

重修龍陽縣志

第三册 卷之四

輿地四

古蹟 金石園墓漏澤園附

樊洲

漢樊重故里古曰樊洲地在朗州東北

新唐書朗州註

案漢樊洲舊在沅水南朗州東五十里汜洲之東三國時李衡蒔橘於汜洲汜洲遂名橘洲樊汜橘雖號三洲其實汜橘本一洲二名樊與汜地址相屬樊汜音近後世遂譌為汎又並汜為汎三洲舊蹟皆失其真

李衡宅

李衡字叔平漢壽人仕孫吳為丹陽太守每欲治

龍陽縣志

卷之四

輿地 古蹟

一

家妻輒不聽後密遣客十人於故鄉汜洲上作宅種柑橘千株臨死謂兒曰汝母惡吾治家故窮然吾州里有木奴千頭不責女衣食歲上千匹絹亦可足用衡亡後二十餘日兒以白母母曰此當是種柑橘也汝父恆稱太史公言江陵千樹橘當封君家吾答曰人患無德義不患不富若貴而能貧方好耳用此何為吳末衡柑橘成歲得絹數千

匹晉咸康中其宅旁枯枿猶在

吳志註 府志八景橘洲點黃卽此

案汜洲俗譌為汎洲卽橘洲也汎洲三國時屬漢壽時漢壽半入龍陽今猶古輿圖也定為龍陽蹟矣

伍朝墨池

舊志曰池在縣西淨照寺唐張旭善草書性嗜

酒每大醉以首濡墨而書既醒自視以為神世號為顛仙

曾學書於此池水盡墨故以名池圖志載宋紹定間斂山

劉子澄持檄所部過香積寺淨照舊名香積訪墨池畱私錢屬從

征官闢而亭之南城鄧均錢塘戴宗紹立石紀其事歷久

亭碑俱廢元納加台亦有記今佚明萬曆丙申知縣喻政

復亭焉亭前稍瀦池水以存遺迹武陵龍膺有記見藝文後甲辰分

巡使者劉之龍至其處捐俸重建額曰雲烟深處登其亭

者南望金牛西望陽山東北望芷江以連洞庭真仙蹟也

本朝嘉慶辛酉歲棟發直隸州福順號介軒署龍陽合

訪古墨池遺跡憫池亭俱湮論邑人士醵金重修建亭贊

龍陽縣志

卷之四

輿地 古蹟

二

池自勒石記其事邑之能詩者多詠歌其盛郡守孫鑒學

使何學林皆有記兼題亭額曰顛草之遺詩記俱見藝文

案晉書伍朝傳曰伍朝字世明武陵漢壽人少有雅操

閒居樂道不修世事性好學以博士徵不就刺史劉宏

薦為零陵太守主者以非選例不聽尚書郎胡濟奏曰

臣以為當今資喪亂之餘運承百王之遺弊進趨者乘

國故以僥倖守道者懷韞匱以終身故合啟衰之化虧

退讓之風薄按朝遊心物外不屑時務守靜衡門志道

日新年過耳順而所尚無虧誠江南之奇才邱園之逸

老也不加飾進何以勸善且白衣為郡前漢有舊宜聽

光顯以獎風尚奏可朝不就終於家湖湘耆舊記武陵郡東北九十里有學書池乃晉伍朝別墅其池水色黑又名洗墨池楚志同今郡東北九十里四面湖塘並無居址北字疑衍惟府志載李廷選郡志辨曰張旭墨池者伍朝墨池也伍朝者武陵漢壽人晉徵士也漢壽者秦之索縣今武陵與龍陽分半朝少好學臨池學書水爲之黑不樂仕進而終老於家張旭吳人爲常熟尉卒於官不知何時適楚今張旭墨池疑傳會失真合觀史籍宜以伍朝爲是

附邑人陳奎西竺山洗墨池記

輿地 古蹟

龍陽縣志

卷之四

三

沅江之南漢壽之墅有夷阜焉背江而南曰西竺翁張隋逸聯羣而趨若蛟虵伏草然四望平疇如機上紋綺求其軒然以峙者無有也有大寺在其環抱處接夢連題高入雲際咸豐兵火而後磴草苔瓴迥非舊景而其旁一茅亭灑然特存亭之下池水一勺甃石如舊蓋晉時伍徵士朝故居也徵士字世明成帝時召爲零陵守不就讀書臨池寂寞以老晉史所謂學書池水爲黑者實在於茲自宋人誤爲張旭墨池好事者從而和之七百餘年傳譌久矣方晉之中衰也梟雄奮起豪傑因之以建功名徵士猷視之蔑如

其時在陶元亮前風節亦適與之埒故當時胡翁書
 踵劉荆州之薦特以江南奇材邱園逸老稱之卒致
 詔典名郡破格招賢蓋巍然宿望久為王茂宏庾元
 規諸人所欽崇矣自鄭鄉梅里名伏沅濱而後此紹
 定以來遂以墨客遊蹤上蒙往喆於是遊眺者既不
 暇博稽故事生茲土者亦應響耳聞而不及為之辨
 漸而亭焉者亭張也非亭伍也池焉者池張也非池
 伍也碑焉詠焉者亦碑張詠張而不為伍碑伍詠也
 業已地易其人彼香積寺之肇自六朝亦孰從而察
 之且夫偽誤相沿宇內多有固有不可勝辨者而迹
 之有不有名之存不存亦未足為徵士增損也雖然
 典午一代如陶徵士之得名與伍徵士之失名要不
 宜以幸與不幸委之有數焉矧梓里高賢顧可視為
 謬悠之輩哉

奎字星垣道光時邑諸生

劉子澄附考

嘉慶湖南通志謂宋無劉子澄惟劉清之字子澄指
 為龍陽作洗墨池亭碑記過客案劉子澄宋末人見
 宋史沈炎傳史稱鄭案沈炎官言路不擇君子小人
 多肆抨擊如高斯得李會伯劉子澄吳潛均受彈挂
 甚違公論子澄蓋當時賢者攷子澄於度宗時為沿

江制使參謀官江湖參佐便道游觀適與舊志捧檄
過龍陽語相脗合若劉清之在孝宗時其生平宦蹟
如鄂州衡州皆有專地未聞親至沅濱通志此說殊
為失攷要之劉子澄亦不知洗墨池為伍朝故蹟者
也

龍津書院故址

縣南梅溪東溪西畔華嶽寺南宋紹定間

邑人周範建浪山橫山筆架金牛諸峯拱立如屏益陽浮
邱一峯隱現於碧煙蒼靄百里之外溪水環之足擅峙流
之勝今辟為平曠演迤數百畝堂庭橫舍基趾宛然石碑
半段與舊文合多可辨者

詳金石及藝文

龍陽縣志

卷之四

輿地古蹟

又四

案宋袁申儒龍津書院記石碑相傳明末有冒周姓者
將移之學舍強昇里許遂墜重不能復舉土人怪之為
戲歸原址不勞而速五百年故物委之荆榛似有靈物

憑焉可異也

滄浪詩集

石潭精舍

宋名儒丁易東建元初賜名沅陽書院故址在

縣南獅子總地名石潭坪宋碑猶存

參元史

滄浪書院

舊在泮池東後移鎮龍閣舊志失建置姓名年

代今屋舍猶有存者

柳毅井

相傳即唐代叢書所記柳毅為龍女寄書處在洞

庭湖洪沾廟側

舊志

龍陽故城 今縣西宋史地理志常德府龍陽縣紹興五年
移治於黃城砦三十年復還故治

案宋紹興時龍陽隸鼎州至孝宗時始改州為常德府
舊志引宋史有誤

勅書樓 縣南明正統間按察副使胥必彰孫本初向義受
勅建閣藏之

八方閣 學左明天啓癸亥鄉紳史贊舜捐建已上俱廢

鎮龍閣 縣東半里高坡頭邑人曾壽貴建李維楨有記見藝文

觀音閣 縣治東

東園 東關外百步明邑人袁鯨建舊志

龍陽縣志 卷之四 輿地 古蹟 五

明月池 縣南關左相傳晦夜恆見星月舊志入景明月浴池即此

玉帶池 城內儒學前潏泗如帶與津相通又傳水有玉痕

波注器中皆見舊志入景玉帶通津即此

來鶴亭 西竺山淨照寺旁康熙年間僧照智建松竹成林

雍正初年知縣譚岑復修邑人葉其有記見藝文

清斯亭 縣西十五里亭臨滄浪水上今廢

聲槐亭 邑人彭鳴霄讀書處康熙七年建西抵儒學百步

垂陰數畝羣稱槐林精舍瞿龍躍有記見藝文

敬一亭 縣學東知縣黃豫建

涵虛亭 守備署旁康熙二十年守備戴朝幹通文翰建亭

寄詠其中

野趣亭 縣南湖畔邑人陳一揆建亭前鑿池曰墨浪池駕

橋曰落虹橋名士每競遊之今遺址猶存有記見藝文

觴月亭 小南門外陳一揆建有記見藝文

西漢草堂 洞庭湖畔魏又成建瞿龍躍題辭見藝文

南漪草堂 縣南關外吳伯肇建

六瀾堂 王為垣建

日涉園 縣南三百步邑人史與祿建舊志

滄水驛樓 縣西十五里滄浪水上一統志

也園 北關內舊志載碑有張雲鵬汪濟民六字後歸劉姓

龍陽縣志 卷之四 輿地古蹟

山亭花木勝冠邑城今歸許雲衢茂才

福公亭 北關外碼頭嘉慶壬戌署知縣福順建自書到此

是岸四字其上

拱門 縣南六十里梅溪總明季李維榮家巨富命長子大

崑購大木千章沿江海入貢武陵楊相國在朝之日也莊

烈帝授以工部職不樂居朝乃旌獎為義士賜以拱門委

邑侯吳孩存監修以香蜚鳳閣額其門因號拱門李令舊

閣猶存增

汜洲古柏 縣西北義興寺府志華州回道人過此題詩二

句古柏上云勒馬問船牛鼻渡釣魚望月橋林洲後柏數

十尺好事者鋸之片片皆字今所存枯枿亦復踰抱通志

連理木 縣東大溪口水經注沅水又通合壽後內通大溪

口有木連理根各一岸而凌空交合舊志

又壽溪楓杞連理木詩見王為垣集

笑藤 縣南笑藤港以此得名相傳有人夜繫燈籠觀其上

升一笑而墜遂不復起後斲為大成殿門限文如檳榔

至今不易

龍潭冲石門 縣南七十里潭水清冽四山圍繞山口峭石

森立如門

石龜遺迹 縣南六十里三江橋左側濶數尺長丈餘高數

龍陽縣志 卷之四

輿地古蹟

七

尺其形扁扁如神物然

仙人跡 縣西陳陂總仙人橋石上有坐跡足跡森存

巖船 縣南沙陽總田中有石如船半段一葉雲根不雜不

刺地因名巖船灣

石砭遺迹 縣東一百一十里南疆總小溪上不通人跡砭

石長二丈許者十枚藜莽翳之

七寶石 縣南橫山之西石大如屋如鼓如鐘均形黑而圓

有苔無草大小數十枚山之東生金屑故名得寶石

石牛 太常山之面山多怪石石牛極奇形如牛首墜田中

尾在溪後相傳雷所擊也

七星伴月 縣東七十里軍山總地形如月面有土埠七環

向之上有七星橋

金牛跡 縣南黃茅冲足跡大二圍深寸許石上如劃

金石附

釣洲石刻 洞庭湖中有釣洲昔范蠡乘扁舟至此遇風止

釣於洲上刻石記焉 述異記

漢壽亭侯銅印 紹興中洞庭漁人獲一印方僅二寸製甚

古以為金競而訟於官辨其文乃漢壽亭侯四字疑武安

物也後守庫吏見印上時有光燄白於官乃遣人送荆門

軍關侯祠中光怪遂絕 雲谷雜記

龍陽縣志 卷之四 古蹟 八

晉徵士龔元之墓銘 臨沅縣南有晉徵士漢壽人龔元之

墓銘太元中車武子立 水經注

淨照寺大雄寶殿四字額 邑西西竺山香積寺後易名淨

照寺俗傳大雄寶殿四字為唐長史張旭書字迹頗雄樸

咸豐四年寺燬於兵

案張草聖書唐時負盛名詩人墨客多見題頌乃李白

有張顛老死不足數之句與韓昌黎羲之俗書趁姿媚

詩用意相似豈二公於章草固不甚挂眼耶乃寺旁伍

徵士墨池遂譌為張旭舊蹟者垂七百年

唐屈原廟詩碑 相傳在滄浪市屈原廟中為唐崔禮山撰

今廟無遺址碑不知所在

唐杜甫過洞庭詩刻

王直方詩話云蛟室圍青草龍堆隱

白沙護江蟠古木迎棹舞神鴉破浪南風正收帆畏日斜

雲山千萬疊何處上仙槎此老杜過洞庭詩也李希聲得

之江心一小石刻

漁隱叢話

元豐中有人得石刻於洞庭湖中詩云蛟室圍青草云云

不載姓氏以示黃山谷山谷曰此杜子美詩也

潘子真詩話

案方輿勝覽引王直方云一條隱白沙作擁蟠古木之蟠

作盤南風正誤作南風止何處作底處

通志

宋周氏龍津書館斷碑

世之宅山水之勝者徒

缺一字舊

龍陽縣志

卷之四

輿地古蹟

花柳之媚詫泉石之美貴家有之為燕樂嬉游之

缺一字舊志作

所方

斷缺十七字舊志作外得之為虛無寂靜之境窶人逢之為繩樞

襄陽之所三者皆

不能挹其秀發其奇茹其華也鼎屬邑龍陽之循市有滄

浪

斷缺十八字舊志作山隆阜進坡或昂而藏或聳而伏有三尖山列

山之南有照梁山金

牛山聯山之東北水自滄浪山三尖山出焉周氏之祖府

斷缺十八字舊志作君德元與清熙丞相文忠益公同源而異派也

自江右游湖右至其地

而樂之相依於山之北既居矣又虛其地將度書館而

斷缺

十八字舊志作力不逮府君之子通富生三孫日訢日詳日詢

因筆之文而俾遂其志焉

是地也羣山四抱左右顧望竇從拱揖滄浪水

斷缺九字舊志作橫

其前演迤如帶澄潔如鑑上下

缺六字舊志作

交映遠水環接俗子巧夫以智力求

得而不能者今不謀而得陰陽家以為地之勝也而試

三字舊志賢閣登仕版皆有人焉若升於天子者則未也

訖之孫應丁詳之孫邦直缺二字舊志詢之曾孫輓遂缺二字舊志

志作柱衡椽前人之志賓禮賢士為師為友

缺五字舊志丁與薦時人謹曰周氏愈有聞也或曰周

氏書館果得地之勝也又至丙子斷邦甯之子麟薦己卯

範又薦時書館缺五字舊志甯執二子麟範之手而告

之曰吾家業儒書種固在書館不可毀爾其成斷缺一字舊志

乙酉歲麟又薦庚寅歲範鳩材命工以缺四字舊志後各

三楹列為四齋取四教之義名之曰博文曰篤行曰懷忠

龍陽縣志

卷之四

輿地古蹟

十

曰守信斷缺一字舊志為厦以通之旁為廊以翼之廚舍僕室

無一不備斷缺一字舊志辛卯訖之孫炎薦申儒實身勸為之

駕郡人益稱書館卜地之驗缺四字舊志薦之不乏人也

申儒於是書龍津書館扁之缺二字舊志以名且有取乎滄

浪之水歲乙未麟遂登進士第書館於是有光焉斷夫講

道明德存仁達義其用宏矣居今之世華門窮巷焦然愁

苦則顯車馬被青紫競率先焉舍是無以自達也斷缺三字舊志

作而朝夕者患無其志志立矣而備書傳誦者患無其力

力給矣而奔走託處者患無其地今府君有其志以詔後

有其力斷缺一字舊志以裕後有其地以垂後缺二字舊志為兄弟

者角其能缺一字舊志作且捐其貲尊奉先訓而成之佑善助賢

天卒有以遂其始志是可嘉也彼陰斷缺一字舊志作陽家卜山觀

水世率以為窈冥之論儒家者流莫之與也至若相其陰

陽觀其流泉度其隰原見諸詩詠夫子取焉然斷缺一字舊志作水

之有流泉地之有原隰其果何係於相宅也乎今滄浪之

山與水秀可以挹奇可以發華可以茹非花柳之媚泉斷

三字舊志為耳目之娛宜乎崇樑有闕扁題有揭而麟遂

釋褐於缺三字舊志庭也山也水也是之取爾斷缺一字舊志作且

華藍縷楚之謂也鼎為楚黔中地非美化所及也缺一字舊志作

而杞梓皮革自楚以往雖晉之缺一字舊志作士夫缺一字舊志作

龍陽縣志卷之四與地古蹟

不若焉則自州斷缺一字舊志作暨我本朝宅汴據京混

一阜繁鼎乃通吳蜀楚粵之會以達於王畿缺一字舊志作

見聞彈洽志識超邁通都斷缺一字舊志作建豐自淮水

中裂而荒墟僻野水絕土斷幾為陋郡申儒為守為缺一字舊志作

志作憲泉流乎院之涯車馳乎嶂之巔未斷缺一字舊志作慨歎焉然則俗換而民純

山川之清峻者未改缺一字舊志作府君自中州缺一字舊志作即

其地有缺一字舊志作也雖然前人望於後人者積累非一斷缺一字舊志作

矣彼其自我朝佃業而來非有缺一字舊志作地也一旦舍闌闌而缺一字舊志作

字舊志作處荒寂經營締建卜吉度宜蓋亦勞矣而斷缺一字舊志作拳

業垂乃統深屬意焉至於取進士第始見於百年之後缺一字舊志作亦

可謂難矣麟訓也繼麟之斷缺十六字舊志作後者其知

固有以承先志作會麟第而缺十五字舊志作

以是年入為校書郎志作會麟第而得歸因言書館山

水之勝且斷缺十四字舊志作詳試之充其倫類

不徒於枝葉而及其本根利祿而固其性命之地則其後

必有也申儒尤有厚望焉元上缺龍飛進士袁申

儒記並題缺

案龍津碑記續志載入藝文門刪改錯落大失舊觀茲

考錄碑字可辨識者尙存十九證以續志所錄全文具

見書法道秀似董香光不知為何人書上有周氏龍津

書館之記入篆文分四行書勒行二字字方四寸完善

龍陽縣志輿地 古蹟卷之四十三

可喜記中有云申儒為守為憲袁公時官常德知府宋

時文行士恆住鄉土不專就養一途南渡需才守牧尤

多就近亦當時官制一證又云申儒是年入為校書郎

續志作祕書郎疑因舊文有祕書省三字而譌其所謂

是年者以上下文證之即指周麟登第之歲當為理宗

端平二年乙未袁公敷歷中外後此官階進退外無可

考舊郡縣諸志所書公生平名流清惠如和風朗月光

藹照人緣宋史漏載致高標亮節半付銷沉反不如幾

匠醬師狂生酒徒猶附見於文苑諸傳賴此殘碑稍留

前賢梗概足補宋史之缺記尾署年殘文有元龍飛三

字端平以後未嘗以元字建號是為可疑碑見存縣南華嶽寺地去書館舊蹟里許

宋墨池亭碑 宋紹定間劉子澄持檄過龍陽香積寺訪張旭墨池古蹟見池亭俱廢留私錢屬從征官重闢而亭之南城鄧均錢塘戴宗紹立石紀其事胡府志

攷方輿勝覽張顛墨池在龍陽淨照寺有小池張旭學書於此又宋史有劉清之傳云字子澄曾知衡州然傳言光宗即位起知袁州而疾作遂卒則不應於理宗紹定間尙有持檄過龍陽之事且後又有游層巖詩在清祐丙午則此劉子澄恐另是一人而其名為子澄者古泉山館金石文跋通志

龍陽縣志

卷之四

輿地 古蹟

案龍陽墨池實晉徵士伍朝臨池故地至宋時謾為張旭者沿李白詩而誤也後此楚志方輿勝覽楚寶諸書皆因之郡邑志因之者且三百年惟李廷選之辨畧言其誤外此迄無有正之者考宋代碑亭今已無存昔賢題識亦僅附見於通志郡志諸書是其地宜辨其金石流傳雖在可廢而名流遺蹟亦未忍盡泯也故仍附錄如右

北禪寺古鐘銘 元大德十一年邑人董漢傑鑄

考鐘文云常德路龍陽洲全節鄉信士董漢傑同室馮氏偕二女為薦祖考施淨財以酬北禪禪師某鑄大德

十一年仲冬吉獻 李枝扶有記見藝文
園墓 漏澤園附

晉

徵士龔元之墓在縣南 水經注

宋

徵士周德元墓縣南梅溪總 統志

進士周麟墓縣南梅溪總 舊志

明

縣尉青文勝墓縣西二十里楊家冲 統志

贈兵部侍郎太常卿史贊舜墓縣西陡門湖

龍陽縣志

卷之四

輿地

古蹟

十四

贈布政司史與祿墓縣西陡門湖 舊志

左副都御史袁鯨墓縣南鐵山冲 舊志

刑部員外郎曾壽貴墓縣南毓德鋪 舊志

隱士楊華墓縣學左 舊志

左僉都御史胥必彰墓縣東 舊志

知府周鳳墓縣西汜洲 舊志

兵部員外郎知州彭恭墓縣西汜洲 舊志

大理寺評事薛俊墓縣南小塘坪 舊志

四川布政使李清墓縣東放生池建有石坊 舊志

贈郎中李思文墓縣南長崙鋪 舊志

徽州府知府丁應賓墓縣南長崙鋪舊志

主簿廖英墓縣北五竈寺大山舊志

知縣廖榮墓縣北五竈寺大山舊志

知縣劉守謙墓縣南毓德鋪白馬廟旁舊志

常德參幕許尙忠墓縣西鹿溪府志

監軍武陵楊山松墓縣東赤山府志

國朝

光祿寺卿彭之鳳墓縣西關外

知縣彭士質墓縣南梅溪總木瓜崙

處士鄧伯榮墓縣城南鳳形山

龍陽縣志

卷之四

輿地 古蹟

誥封中憲大夫黎家丞墓縣南六十里獅子山作田灣

副貢 王為壤垣墓縣南五十里牛過渡迤龍山

教諭楊瑞墓府志遺其地

知府羅志謙墓縣南茶家園

糧道黎學錦墓縣南五十里毓德總東華衝甯家山

誥封朝議大夫陳永皓墓縣南七十里龍潭總清水塘

誥封奉直大夫陳德坤墓邑南文思冲

特贈道銜陳景滄墓縣南七十里龍潭橋陳氏祠下子克樸

克權墓附

誥封奉政大夫陳永超墓邑南文衝園坳

都司梅萬清墓縣北三十里太和障

誥贈榮祿大夫易正元 墓邑東三汊港株樹原

誥贈榮祿大夫易天成墓邑南史家疇

義塚六處一東門外放生池康熙朝知縣陳珪捐一西

門外西竺山一大南門外茶苑山一江西義塚西關外

一福建義塚西關外一廣東義塚西關外

謹案鼎錯日用不為不賤周鼎日棄不為不貴古蹟就

湮間及金石歐陽文忠趙明誠諸人尋碑譔錄烏能已

邪龍陽為正則落飄之浦長庚醉月之湖烟水相羊雪

痕欲盡細而叔平藝橘徵士臨池移焉他屬莫之或述

龍陽縣志

卷之四

輿地 古蹟

六

即沅陽泉比龍津講座與濂水桃岡相照耀亦若存若
亡而已夫川后山靈奧區所鍾貞為合質化為幽人風
榭水軒過閣結憐而迹則易朽也矧夫石巖不嘶松楸
鮮碧匪縹襲汗青有不隨雲烟俱散者哉

風俗

視鼎諸邑文學為盛 元納加台記

地瘠民貧風俗敦樸山野之中以農桑為本水澤之民以網

罟為業 明舊志

士相與言仁義於燕閑農相與謀耕稼於田野商相與語財

利於市井稱富庶文獻國 明李維楨鎮龍閣記

男少榮而慕義婦修飾而好貞

袁鯨彭母貞節記

楚俗信鬼好巫龍陽為甚鄉市每於孟春游儺索祭疾則禱

巫降神酬曰還願

城市尚奢餉客每豐簋亦好施與如募修之類西南山村耕

織負販相半頗勤樸惟服毒輕生為惡耳

已上舊志

土著民多儉樸亦少健訟者惟市井以華靡相耀差役近尤

侈橫平民多受欺枉

續志

喪事尚酒宴裂布殯殮每用道教近多依家禮行之者

續志

近樂義舉凡民父母喪不能成禮及男女不能畢婚者咸出

賞助之曰孝友會曰喜會輪次相償

舊志

龍陽縣志

卷之四

輿地

風俗

七

元旦男女晨興各盛服拜祖先畢拜父母及以次尊長然後

出謁親鄰鄉黨不相見者投刺村設酒食至數日不輟謂

之請春酒城中至三四月始設筵召客又元日後三日不

埽舍燈夕各舉火園內大呼逐蟲城中及村居富室則張

燈爆竹轟然絡繹不絕

舊志增

迎春出土牛如故制是日城中多采繪綾錦製為魚龍之戲

金鼓不絕隨繞官輿以麗為工

增

南山一帶多野火謂之燒畬

舊志

社日農家浸種穀語云攔社浸種是日合錢祭里社鄉中多

於夏至買牲醴祭方社秋收則於寺觀設醮亦古祈報之

意也續志

清明祭埽各挂紙錢先隴謂之挂墳凡培冢必於寒食一日
畚鍤紛馳諸塋至集俗謂一年惟此一日百無禁忌不驚

先冢舊志增

分秧不用秧馬隴上萬夫束秧如韭把盛以竹器沿塍散擲
各持一束排比分栽人眾者腰鼓一面一人負之隨眾農

後課其藝法時唱田歌諸人和答謂之開秧門增

端午戶懸蒲艾或雜以黃荆用雄黃酒塗小兒手足及耳額

為辟毒少者攜角黍招扇禮物拜饋親友尊長續志增

沿江競渡雖戚屬亦各以方隅較勝負動生憂端舊志

龍陽縣志卷之四
輿地 風俗

五月五日采雜藥以五采絲繫臂名曰辟兵人不病瘰又有

條達織組雜物以相贈遺取鸚鵡教之語歲時

午日民間家取癩蝦蟆一枚以十二神墨一丸實其腹俟乾

為醫疔腫百毒效方俗語云癩蝦蟆躡端午增

競渡始於武陵及今舉械而相合之其音咸呼云何在斯劉禹

錫競渡
曲自注

屈原五月五日投汨羅江楚人哀之每至此日以竹筒貯米

投水祭之漢建武中長沙歐回白日見一人自稱三閭大

夫謂回曰見祭甚美但苦為蛟龍所竊今若有惠可以楝

葉塞葦以五綵絲縛之此二物蛟龍所畏令人作糉子以

此續齊諧記

五月十三日謂之龍生日可種竹齊民要術所謂竹醉日也

風土記

江湘四五月間梅欲黃落則水潤土溽柱礎皆汗蒸鬱成雨

故曰梅雨時衣服易霉又曰霉雨風土記

七月七日為牽牛織女聚會之夕是夜人家婦女結綵縷穿

七孔鍼或以金銀銖石為鍼陳瓜果於庭中以乞巧有嬉

子網於瓜上則以為符應歲時記

七月初七至十五日俗名中元設羹飯酒饌盛列几筵迎其

先祖上膳七日或剪紙為衣鑿楮為錢焚之謂之薦祖新

龍陽縣志 卷之四 輿地 風俗 九

亡則起初一至初七多作佛事蓋惑佛氏孟蘭之說要其

誠敬亦有可取參舊志

七月十五日僧尼道俗悉營盂供諸佛通志

八月十四日民竝以朱水點兒頭額名為天灸以厭疾又以

錦綵為眼明囊遞相餉遺中秋稱賞月歲時記 舊志

九月九日四民竝藉草飲宴多登高餞秋者是日釀酒為重

陽酒絕佳歲時記 舊志

荆湖南北路以十月十六日為盤古氏生日路史

冬至四民祀祖謂之冬祭鄉村多不拜賀舊志 增

仲冬之月采擷霜蕪菁葵等菜乾之為鹹菹歲時記

十二月八日為臘日諺言臘鼓鳴春草生邨人竝擊細腰鼓
戴胡頭及作金剛力士以逐疫其日並以雞豚祭竈是日
又謂之蜡日民家為秬米粥食之謂之蜡八粥歲時記
十二月二十四日為小年商賈均於是日割雞祀先為團圓
之飲名曰團年鄉村則否增

歲暮到豕治酒擣糯米為糲餽相餽遺謂之辭年舊志
除夕鈺鼓爆竹相聞家置酒夜坐謂之守歲舊志

方言

你謂之憐 自稱謂之頑 走謂之崽 呼父曰爹 呼母

謂媽或謂恩娘 呼祖父為爺爺 祖母為奶奶或曰婆婆

龍陽縣志 卷之四 輿地 風俗 二十

兄謂之哥哥 弟謂之老弟 姊謂之姐姐 姑母為嫂

姐 姨母為柁娘 妻父曰丈人 妻母曰丈母 叔母曰

嬸娘 弟婦曰嬸子 連襟之襟曰竟 遊戲曰耍或曰頑

小兒曰狃圄 口謂之凱 短謂之矮 糙謂之曹 狗

謂之改 去謂之客 拏謂之拉 帶呼為下平 帽呼為

下平 沒謂之肯 謂不托為粃粃 謂子為得 謂菜為

才 互呼為牙 昂呼為上平 賣呼為買 四呼為時

十呼為時 耍呼為搖 這呼近蚩 扯音近爹 塞謂之

篩 戰呼平聲 伎呼為稽 娣姒為妯娌 篋呼為斜

盒呼為何 鼻呼為皮 指呼為寺 何呼為紅 尋呼為